

BOSNA I HERCEGOVINA

Brčko distrikt BiH

SKUPŠTINA

BRČKO DISTRIKTA BiH



БОСНА И ХЕРЦЕГОВИНА

Брчко дистрикт БиХ

СКУПШТИНА

БРЧКО ДИСТРИКТА БиХ

Mladena Maglova 2, 76100 Brčko distrikt BiH, telefon i faks: 049/215-516

Младена Маглова 2, 76100 Брчко дистрикт БиХ, тел. и факс: 049/215-516

Na osnovu člana 22 Statuta Brčko distrikta Bosne i Hercegovine (Službeni glasnik Brčko distrikta BiH, broj 2/10 – prečišćeni tekst), Skupština Brčko distrikta BiH, na 68. redovnoj sjednici održanoj 14. oktobra 2020. godine, usvaja

ZAKON

O IZMJENAMA ZAKONA O PREVOZU U DRUMSKOM SAOBRAĆAJU BRČKO DISTRIKTA BiH

Član 1

U Zakonu o prevozu u drumskom saobraćaju Brčko distrikta BiH – prečišćeni tekst (Službeni glasnik Brčko distrikta BiH, broj 5/17), član 6 mijenja se i glasi:

„Član 6

(Tehnički pregled)

- (1) Tehnički pregled vozila vrši stanica za tehnički pregled vozila koja posjeduje odobrenje za rad izdato od strane nadležnog organa, u skladu s Pravilnikom o tehničkim pregledima.
- (2) Tehnički pregled vozila može biti: redovni, vanredni i preventivni.
- (3) Tehnički pregled vozila se vrši u skladu sa Zakonom o osnovama sigurnosti saobraćaja na putevima u Bosni i Hercegovini i Pravilnikom iz stava 1 ovog člana.
- (4) Javni prevoz i prevoz za vlastite potrebe mogu se vršiti samo ako je na motornom i priključnom vozilu izvršen preventivni tehnički pregled i ako je utvrđeno da je vozilo ispravno.
- (5) Preventivnom tehničkom pregledu ne podliježu vozila utvrđena propisima iz stava 3 ovog člana.
- (6) Dokaz o izvršenom preventivnom tehničkom pregledu mora se nalaziti u vozilu.
- (7) Pregled vozila za izdavanje licence za vozilo vrši stanica za tehnički pregled vozila u skladu s ovim zakonom i Pravilnikom o tehničko-eksploatacionim uslovima i načinu obilježavanja vozila kojima se vrši prevoz.“

Član 2

Član 6a mijenja se i glasi:

„Član 6a

(Videonadzor tehničkog pregleda)

- (1) Stanica za tehnički pregled vozila osigurava videonadzor tehnološke linije tehničkog pregleda vozila u skladu s Pravilnikom o tehničkim pregledima.
- (2) Odjeljenje za javne poslove ili stručna institucija su dužni:
 - a) uvezati opremu za videonadzor u jedinstven informacijski sistem,
 - b) pohraniti podatke iz sistema videonadzora na tvrdi disk i čuvati dvije godine,
 - c) osigurati uvid u podatke iz sistema videonadzora organu nadležnom za inspekcijski nadzor.“

Član 3

U članu 67 stavu 1 tačka d) se briše, a tačke e), f), g), h), i), j), k), l), m), n), o), p), q), r), s), t), u) i v) postaju tačke d), e), f), g), h), i), j), k), l), m), n), o), p), q), r), s), t) i u).

Član 4

U članu 70 stavu 1 tačka b) se briše, a tačke c), d), e), f) i g) postaju tačke b), c), d), e) i f).

Član 5

Iza člana 72 dodaje se član 72a koji glasi:

„Član 72a

(Stavljanje van snage)

Stupanjem na snagu ovog zakona stavlja se van snage Pravilnik o preventivnim tehničkim pregledima motornih i priključnih vozila (Službeni glasnik Brčko distrikta BiH, broj 43/08).“

Član 6

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-1035/20

Brčko, 14. 10. 2020. godine

PREDSJEDNIK
SKUPŠTINE BRČKO DISTRIKTA BiH

Esed Kadrić